

GJALDSKRÁ

um meðhöndlun úrgangs í Grímsnes- og Grafningshreppi.

1. gr.

Heimild.

Gjaldskrá þessi er sett samkvæmt ákvæðum 11. gr. laga nr. 55/2003 um meðhöndlun úrgangs og 25. gr. laga nr. 7/1998 um hollustuhætti og mengunarvarnir, með síðari breytingum, að fenginni umsögn heilbrigðisnefndar. Hún er í samræmi við samþykkt nr. 36/2010 um meðhöndlun úrgangs í Grímsnes- og Grafningshreppi.

2. gr.

Sorphirðugjald.

Innheimta skal sorphirðugjald af öllu íbúðarhúsnæði í Grímsnes- og Grafningshreppi samkvæmt eftirfarandi álagsgrunni. Sorphirðugjaldið er samsetning af grátunnu og blátunnu og miðast við stærð þeirra ílata og losunartíðni fyrir viðkomandi íbúðarhúsnæði.

<i>Ílátastærð</i>	<i>Grátunna</i>	<i>Blátunna</i>
240 1 ílát	16.696 kr.	7.242 kr.
660 1 ílát	48.177 kr.	22.167 kr.
1.100 1 ílát	79.176 kr.	35.832 kr.
3.000 1 ílát	126.353 kr.	
8.000 1 ílát	176.563 kr.	

Grátunna: losun á 14 daga fresti.

Blátunna: losun á 42 daga fresti.

3. gr.

Sorpeyðingargjald.

Innheimta skal sorpeyðingargjald af öllu húsnæði í Grímsnes- og Grafningshreppi, íbúðarhúsnæði, frístundahúsnæði og atvinnuhúsnæði. Sorpeyðingargjaldið skal vera í samræmi við áætlað magn heimilisúrgangs sem til fellur hjá viðkomandi húsnæði á ársgrunni ásamt umsýslukostnaði vegna þess.

<i>Íbúðarhúsnæði</i>	20.192 kr.
<i>Frístundahúsnæði</i>	14.811 kr.
<i>Lögbýli</i>	9.874 kr.
<i>Fyrirtæki</i>	19.748 kr.

4. gr.

Gjaldtaka á móttökustöð.

Gjaldfrjálst verður á gámastöð fyrir allt að 3 m^3 úrgangs vikulega. Umframmagn er gjaldskylt á móttökustöð, miðast við m^3 þess úrgangsmagns sem afsett er. Allur úrgangur er gjaldskyldur við afsetningu nema brotamálmar og úrgangur sem ber úrvinnslugjald Úrvinnslusjóðs.

Móttökugjald á einn m^3 er kr. 5.000.

5. gr.

Gjaldtaka þjónustuverktaka.

Gjaldtaka þjónustuverktaka gagnvart frístunda- eða atvinnuhúsnæði í beinum samningum milli þessara aðila skal taka mið af verksamningi milli þjónustuverktaka og sveitarfélagsins, þannig að einingarverð verði aldrei hærra en verksamningur tilgreinir.

Nr. 1132

7. desember 2015

6. gr.

Samþykki og staðfesting.

Gjaldskrá þessi var samþykkt á fundi sveitarstjórnar Grímsnes- og Grafningshrepps þann 18. nóvember 2015 og staðfest af heilbrigðisnefnd Suðurlands þann 27. nóvember 2015. Gjaldskráin gildir frá birtingu hennar í B-deild Stjórnartíðinda. Frá sama tíma fellur úr gildi gjaldskrá nr. 1250/2014 fyrir sorphirðu og meðhöndlun úrgangs í Grímsnes- og Grafningshreppi.

Grímsnes- og Grafningshreppi, 7. desember 2015.

Ingibjörg Harðardóttir sveitarstjóri.

B-deild – Útgáfud.: 21. desember 2015